

Գերեզմանը, որ շինուած է հովտի մը մէջ, ժայռին մէջ փորուած փոքր այր մ'է. ունի այնպիսի ցած դուռ մը, ուրկէ մարդ մէջքը ձուելով հազիւ կարող կ'ըլլայ մտնել: Այրին խորը, դրան դէմ, ժայռին մէջ կը տեսնուի փոքր նստարան մը, որուն վրայ դրուած է երանհալ կուսին և Տիրամօր մարմինը, և ուրկէ վերափոխեցաւ յերկինս: Այս այրը գրեթէ մարդու մը բարձրութիւն ունի, չորս կանգուն լայնութիւն և նոյնքան ալ երկայնութիւն. այրին ներսի կողմը մարմարեայ գեղեցիկ քարերով զարդարուած փոքրիկ մատուռի մը երեսոյթն ունի»: Ճիշդ Քրիստոսի Գերեզմանին նման կամարներով և սիւններով զարդարուած էր Ս. Կուսին Գերեզմանը և պսակուած ոսկիէ և արծաթէ պատուական անօթներով: Ճոխագոյն պսակակալի մը նման՝ Ս. Կուսին Գերեզմանը չըջապատող վերնախարսխին վրայ կային արձանազրութիւններ: Բայց Ս. Աստուածածնի եկեղեցիին այս բոլոր շքեղութիւնները տեւական չեղան. 1187 ին Սալահէտտինի յաղթութենէն յետոյ, տեղւոյն եկեղեցական բոլոր մասերը, հիւանդանոցը, վերնայարկ եկեղեցին քանդուեցան և անոնց բոլոր նիւթերը գործածուեցան քաղաքին պարիսպներու խրամատները նորոգելու համար: Ս. Կուսին Գերեզմանը և անոր մուտքը՝ մերկացած ու կապտուած ամրաչէն աշտարակներէն եւ ընդարձակ գաւիթէն, քանդումէն ազատ մնացին, բայց ջնջուեցան Գերեզմանի շուրջը և պատերուն վրայ գտնուած զարդերը: Քիչ յետոյ եկեղեցիին բոլոր դուռները քարով հիւսեցին, բացի հարաւի մեծ դուռնէն, որպէս զի ուխտաւորներու մուտքի տուրքը զիւրութեամբ կարողանան գանձել: Շարունակական քանդումներէն յառաջ եկած հողերը փակեցին ա'յն պատուհանները՝ որ գետնայարկի եկեղեցին ըստ բաւականի կը լուսաւորէին միջին դարու մէջ, այնպէս որ աչքը կրնար զիւրաւ որոշել նկարները և արձանազրութիւնները: Կեդրոնի Չորին ձմեռնային ցուրերը այս յիշատակարանին ընդհողումին միակ պատճառը չէին կրնար ըլլալ, վասն զի արդէն 1283 ին կացութիւնը այնպէս էր որ ձորին խորքը խառնուած էր եկեղեցիին զարտափին (terrace) հետ եւ անոր վրայէն ալ ճամբայ մը բացուած էր:

Գեթսեմանիի Ս. Աստուածածնի բիւզանդական չըջանի եկեղեցին կործանուելէ յետոյ, ինչպէս վերեւ յիշեցինք, Սալահրայց կողմէն կատարուած վերաշինութիւնն ալ կիսով քանդուեցաւ,